

Top Pop Rumantsch per la terza

■ (cp) Il favrer da quest onn ha il Radio Rumantsch (RR) lantschà il project Top Pop Rumantsch cun la finimira da promover musica rumantscha actuala. Uss datti già la terza produziun. Naven dad immediat è la chanzun «Tuorna», interpretada da Simona Caminada, d'udir exclusiv tar RR. Top qualitat è già vegnida cuntanschida cun las emprimas duas produzioni «Sorry baby, quei vul dir perstgisa», chantada da Susanna Sabbadini e «Mias s-charpas» dals «bulais». Sin quest nivel è era la terza chanzun «Tuorna», interpretada da la giuvna studenta Simona Caminada (19) da Castrisch. Puspè èsi reussi al RR da reunir talent e produziun professiunala. «Naschida è ina chanzun cun qualitat dad in verm d'ureglia che s'integrescha excellentmain en la seria da Top Pop Rumantsch», Jachen Prevost, manader da la redacziun da musica RR. «Simona Caminada n'ha betg mo sco interpreta, mabain era sco musicista già ses agen stil. Impressiun fa era sia natiralezza e sia ligerezza da collavurar cun auters musicists e da lavurar en il studio», Manfred Zazzi, Studio Apart a Turitg.

La chanzun è vegnida cumponida da Simona Caminada, Helge Van Dyk e Manfred Zazzi. La versiun rumantscha deriva da Benedetto Vigne. Per l'accordanza professiunala han plinavant procurà :

Co-producent: Van Dyk (Fugees, Andreas Vollenweider, Bobby McFerrin, Plüsch, Gotthard, Chris de Burgh) Battaria: Marc Halbheer (Frank Zappa, Vienna Jazz Orchestra, Gotthard, Vivian) Cello: Martin Tillmann (Sting, Elton John, Hans Zimmer, Hollywood (Passion, Hannibal,



Simona Caminada: Naschida ils 5-8-1986 e creschida si a Castrisch. Ella fa il mument in segiurn per empernder la lingua en Australia. L'onn che vegn cumenza ella il studi da publicistica e schurnalisse a Turitg. Musica e sport èn impurtants facturs en sia vita. MAD

Batman) Bass: Dany Hertach (Jestofunk, CeCe Rogers, Sophie Ellis-Bextor, Baschi, William White) Ghitarra: Jean Pierre von Dach (Gigi Moto, Bet-

ty Legler, Natacha, Susanna Sabbadini).

Top Pop Rumantsch vegn era en l'avegnir ad esser in label per purschi-

das innovativas ed unicas en il program da musica da RR. Per l'onn 2006 èn ulteriuras 6 produzioni planisadas.

«Tuorna»

VERS 1:

Plievgia croda sin mia pial
Jeu sentel il freid, jeu sentel il mal
Larmas grondas senza fin
talmein mauncas ti a mi

Plievgia croda sin mia pial
Neblas grevas entuorn miu cor
Larmas grondas senza fin
Pli che mai eis ti lunsch lunsch naven

REF:

Astgel jeu dumandar mo quei da tei
Astgel jeu supplicar mo quei da tei
Astgel jeu dumandar mo quei da tei
Tuorna tier mei, Tuorna tier mei

VERS 2:

Glieud che vegn, glieud che va
Fatschas vitas da negin
Egls raquantan da bandunai
Talmein mauncas mauncas ti

Glieud che vegn, glieud che va
Fatschas vitas egls absents
Mund schi trests e bandunaus
Pli che mai eis ti lunsch lunsch naven